

啟德主場館演出 感覺夢幻

許靖韻唱慘歌 遭球迷「投訴」

前晚啟德主場館上演「2027 亞洲盃外圍賽」中國香港足球代表隊大戰印度，除了場內激戰精彩，嘉賓表演同樣吸睛。許靖韻 (Angela)、女團 VIVA 以及於 ViuTV 節目《足球女將》奪 MVP 的郭思 (Suey) 輪流登場，Angela 更被球迷「嫌棄」唱歌太慘情，非常搞笑。



■郭思自認是超級球迷。



■VIVA 首次在現場睇球賽。

係好正。可以喺香港最大嘅場館入面演出，係好夢幻嘅事。」問到會否想在啟德開騷？她笑言：「要繼續畀心機做多啲歌先得。」

VIVA 首次入場睇波

出道短短一年的女團 VIVA 能踏上啟德主舞台，當然興奮莫名，她們說：「觀眾多到嚇親！」提到開騷大計，她們齊聲表示：「等我哋儲多啲歌先啦，可能要等多 5 年。」原來 4 人都是首次入球場欣賞賽事，不過成員 VALC 表示之前睇過世界盃決賽：「試過凌晨三四點起身睇阿根廷對法國。」

中場表演的 Suey 亦稱非常難忘：「第一次喺啟德就打爆 5 萬人，我覺得係一件可以寫入 CV 嘅事，哈哈！」身為足球狂迷的她自言「乜波都睇」：「除咗英超、西甲，前排歐聯、歐霸我都有睇。」更自爆追星威水史：「嗰次去西班牙，純粹係睇波團，最印象深刻係見到美斯入 4 球，係皇馬對巴塞。當時 C 朗已經離開咗皇馬，所以佢冇落場踢，但發現 C 朗坐喺我後面包廂，所以我同佢嘅距離係好近，勁開心！」

打頭陣表演的許靖韻選唱《K 歌之王》，音樂前奏一響起，即被場邊球迷嫌棄：「可唔可以唔好唱隻咁慘嘅歌呀？」不過 Angela 依然成功引到球迷一齊大合唱，十分搞笑。表演完後，Angela 表示：「綵排時已經覺得好震撼，睇波時仲熱血，大家一齊啖加油真



■許靖韻很榮幸在啟德主場館獻唱。

朱智賢自爆當空姐慘事

由程人富主持的 HOY TV 節目《求生記》，邀得朱智賢 (朱朱) 與方健儀任嘉賓。朱朱自爆當空姐時的尷尬事：「以前做 Training 學到有緊急事故逃生，要瀕個條求生梯，因為我好驚，死都唔肯瀕落去！等到最後一個，我都要頂硬上，合理眼瀕落去！但都係唔合格，因為導師話我合埋咗眼！」她坦言已忘了大部分的「求生技能」，但仍記得有需要時幫乘客急救。方健儀則說：「最難忘係 2008 年四川大地震，當你見到生靈塗炭，就會珍惜自己擁有嘅嘢。」

莊子璇踩入樂壇？



■莊子璇與何晉樂合唱時默契十足。

2023 年港姐冠軍莊子璇獲無綫力捧，獲安排拍劇及主持綜藝節目。為了不辜負公司栽培，她除了上戲劇班改善演技，又學習司儀技巧，更進修日語，非常勤力。最近子璇似有意發展音樂事業，繼早前於社交平台上載唱《晚安》的影片後，近日又與「聲夢」歌手何晉樂合唱《斑馬，斑馬》，見她閉起雙眼唱歌，非常投入，何晉樂則彈結他伴奏及和音，非常悅耳，獲不少網民讚好聽，更指兩人 CP 感十足，希望子璇加入《愛·回家之開心速遞》劇組，與何晉樂演情侶。



■朱智賢入行前當過空姐。

謝君豪奪「藝術家年獎」 感激 4 恩師栽培

「第十九屆香港藝術發展獎」頒獎禮前晚在大會堂舉行，謝君豪從亦師亦友的杜國威手上接過戲劇「藝術家年獎」，他坦言意義重大：「如果我冇記錯，呢個係我嘅香港所得嘅第一個獎項！」他於台上多謝 4 位恩師，包括鍾景輝、毛俊輝、楊世彭及杜國威。

豪哥首先多謝鍾景輝，因沒有他就沒有演藝學院，指對方為演藝界貢獻良多，然後多謝毛俊輝：「佢係我演技老師，為我打開戲劇大門。我仲要多謝香港話劇團首任藝術總監楊世彭博士，佢一直好照顧我，我年輕時，佢破格提升我成為香港話劇團嘅首席演員，當

時係一項創舉！當然亦好多謝杜 Sir 杜國威老師，佢將『南海十三郎』咁好嘅角色送咗畀我。」



■謝君豪(右)從杜國威手上接過獎項。